

Sanaartorfissanik assigisaattullu suliaqarfusunik aaqqissuussineq pillugu nalunaarut

Kalaallit Nunaanni sullivinni avatangiisit pillugit inatsimmi nr. 1048, 26.oktober 2005-imeer-sumi § 11a, § 15, imm. 2, § 33, imm. 1, § 35, § 56 aamma § 67 naapertorlugit aalajangersarneqarput:

Kapitali 1

Atuuffi

§ 1. Nalunaarut atuutissaaq illuliornermi sanaartornermilu suliaqarfusunik (sanaartorfissanik) aaqqissuussinernut, suliat sulisuusunit, sulisitsisunit namminernit imaluunniit namminersortunit sulisoqarani ingerlanneqaraluarpataluunniit.

Imm. 2. Taamaattorli kapitali 9-mi atugarissaarutissatigut iliuutsit pillugit aalajangersakkat atuutissanngillat suliani sulisoqarani ingerlanneqartuni imaluunniit Kalaallit Nunaanni sullivinni avatangiisit pillugit inatsimmi § 2. imm. 2-mi pineqartuni.

Imm. 3. Atugarisaarutissatigut iliuutsit pillugit kapitali 9-mi aalajangersakkat aamma atuussissanngillat 1) sulisitsisup sanaartorfissami suliassanik sulinera sivisunerpaamik ulloq naallugu suliffiusunik pingasunik, sulisuusullu tamarmiusumik suliaqarnerat ulloq naallugu suliffiusunik sivisunerpaamik arfinilinnik sivissuseqartillugit, imaluunniit

2) sulisuusut sanaartorfissami sulisorineqartut piffissaq suliffissaq allami sanaartorfissaanngitsumi aallartittarlugulu naggasertarpassuk. Taamatut suliaqarnerni sulisuusoq atugarissaarutitigut iliuuseqarfigmaassaaq suliaqarfusunik nikerartunik aaqqissuussineq pillugu malittarisassat malillugit.

Imm. 4. Nalunaarummi matumani illuliornermik sanaartornermillu suliaqarnermi pineqarput

1) suliat illuliornermut illulianillu allannortiterinerit titartaanernullu, tamatumani aamma ikkussugassatigut sulianut, atasumik ingerlanneqartut.

2) aqqusinniornerit, sullorsualiornerit, ikaartarfiornerit umiarsualiviornerit assigisaannillu sanaartornerit tamakkuninngalu allannortiterinerit,

3) nunami assaanerit siuliinilu taagorneqartunut atasumik nunami suliat,

4) sullulinnik kabelinillu ikkussuinerit,

5) siuliini taagorneqartunik iluarsaassinerit aserfallatsaaliinerillu aamma

6) siuliini taagorneqartunik tamakkualuunniit ilaannik piiaanerit.

§ 2. Nalunaarut sanaartorfusussanik aaqqissuussinermut immikkut ittumik piumasaqaatinik, sullivinni avatangiisit pillugit inatsisit malittarisassartaannut naapertuuttunik, allannguuteqartitsissanngilaq.

§ 3. Sullivinni avatangiisit pillugit inatsisinik aalajangersakkat saniatigut atuutissapput inatsisit allat, soorlu qatserisartoqarneq pillugu inatsisit aamma kallerup innera sakkortooq pillugu nalunaarut, naapertorlugit aalajangersakkat, sanaartorfissanik aaqqissuussineq pillugu aalajangersarneqarsimasinnaasut.

§ 4. Nalunaarut naapertorlugu pisussaaffiit sullivinni avatangiisit pillugit inatsisini malittarisassat nalinginnaasut malillugit sulisitsisut, sulisunik siulersuisut allallu sulisuusut pisussaaffigissa-vaat, tak. inatsimmi kapitali 3.

Kapitali 2

Pilersaarusiorneq suleqatigiinnerlu

§ 5. Sanaartorfissani inunnik qulinit amerlanerusunik ataatsikkut sulisoqarfunngikkaluarlutik sulisitsisunik marlunnik arlalinnilluunniit ataatsikkut sulisoqarfusuni, sulisitsisut ataasiakkaat isumannaallisaaneq peqqinnissarlu pillugit suleqatigiinnerup ilaatut sulisitsisunut allanut isumaqatigiissutigisassavaat sanaartorfissap qanoq aaqqissuunneqarnissaa, taamaalilluni sanaartorfissami sulineq sukkulluunniit isumannaatsumik ingerlanneqarsinnaaqullugu, isumaqatigiissutaasullu pisariaqassappat ingerlaartumik sammineqartassapput.

§ 6. Sanaartorfissami sulisitsisut ataasiakkaat isumagissavaat ataatsimut suliaqarfusuni iliuusissat, sanatitsisumut imaluunniit sulisitsisunut allanut isumaqatigiissutaasimasut, tak. sanatitsisup sullivinni avatangiisit pillugit inatsit malillugu pisussaaffinik nalunaarut, aallarnerneqarlutillu allanngutsaaliorneqarnissaat tamatumalu nakkutigilluarnissaa.

§ 7. Sanaartorfissani, ullut suliffusut 30-t sinnerlugit suliaqarfusussatut ilimagisani aammalu ikinnerpaamik 20-nik ataatsikkut sulisoqarfusuni, imaluunniit suliassat annertussusiisigut ullut suliffusussat 500-nit amerlanerunissaannik ilimasuffusuni, sanaartorfissaq pilersinneqalersinnagu sulisitsisup sulianik ingerlatsinermut atatillugu isumannaallisaaneq peqqinnissarlu sulisitsisumit naliliiffigineqartassaaq, sanatitsisup sullivinni avatangiisit pillugit inatsisit malillugit pisussaaffinik nalunaarummi § 4, imm. 1, malillugu sanatitsisup pilersaarusiornissaaq pisussaaffigissanngippagu. Imm. 2. Sanaartorfissami sulisitsisut arlaqassappata, imm. 1 malillugu isumannaallisaanermik peqqinnissamillu naliliiffiginninnissaaq sulisitsisut peqatigiillutik aaqqissuutissavaat.

§ 8. Illuliornermik sanaartornermillu sulineq ilanngussaaq 1-imi taaneqartutut immikkut ulorianartorsiorfissaqassappat, sulisitsisoq sulianik ingerlatsinissaaq pillugu allaganngukkamik naliliis-saaq, sanatitsisup sullivinni avatangiisit pillugit inatsisit malillugit pisussaaffinik nalunaarummi § 4, imm. 1, malillugu sanatitsisup pilersaarusiornissaaq pisussaaffigissanngippagu. Imm. 2. Suli at sulisitsisunit arlaliusunit ingerlanneqassappata, imm. 1 malillugu isumannaallisaanermik peqqinnissamillu naliliiffiginninnissaaq sulisitsisut peqatigiillutik aaqqissuutissavaat.

Kapitali 3

Aalajangersakkat tamanut atuuttut

§ 9. Illuliornermi atorussat, teknikikkut atortuulersuuteqarfiit ikkussukkallu, sulluliat, nunap iluani piiiaffii, assaanerit, usilersuineri ilioraaviit assigisaallu, sanaatorfissami pilersitaasimasut atorfissaattut naatsorsuutigisat tunngavigalugit isumannaatsumik suliaallutillu aaqqissuussaassapput.

§ 10. Sumiiffinni ataasiakkaani sulianik ingerlatsiviusussani, sapinngisamik naammattunik inissiivissaqartitsisoqartassaaq pisatseruutitut pinngitsoorsinnaanngisanut, atorutigit ikiutitut atorunullu imminnut ajoquserussaajunnaarlugit inissiiviusinnaasunik, aammalu sulianut atasumik il-iuutsit tamarmik ingerlanneqarsinnaanngorlugit sulineri pissusissat aalaatsillu isumannaatsut tunngavigalugit.

Imm. 2. Sumiiffinni ataasiakkaani, suliaqarfiusussani, isumannaatsunik isaariaqarlunilu naammattunik qimaariarfissaqassaaq aamma naammattunik silaannarissarfissaqassalluni.

§ 11. Nunap qaavani imaluunniit natertut qaffasissulimmi sulinissamut, allatut iliornikkut isumannaallisaanikkut peqqinnissakkullu isumannaalluinnartumik ingerlanneqarsinnaanngitsumut teknikikkut ikiutissaqassaaq naleqquttunik, taakkunangaanniit suliat ingerlanneqarsinnaanngorlugit.

Imm. 2. Illuni inerlugit suliaanngitsuni, ikaajusaliani assigisaanniluunniit ammaannartut suliaasuni, piffissani sivilunerusuni suliaqarfiusussani, aammalu sulisut silap pissusianiit peqqiilliulersinneqarfigisinnaasaanni assiaqtersuisoqartassaaq assigisaattulluunniit iliuuseqartoqartassaaq. sapinngisaq tamaat naleqquttunillu.

§ 12. Sumiiffinni taama ittuni siviluumik sulianik ingerlatsisoqassappat silap pissusiinut illersuiniutissanik iliuuseqartoqassaaq, soorlu tupersuarnik imaluunniit qulisanik naleqquttunik illersuusiornikkut imaluunniit sulianik illut illuaqqalluunniit iluinit ullup qaamarngata qaammarsarsinnaasaanut inissiinikkut, tamanna naleqqutinnngitsutut isumaqarfiginassanngippat.

Imm. 2. Sanaartorfiusumi piffissani sivilunerusuni titartaasartut sulianik, allaffimmi sulianik allanilluunniit illuliornermut sanaartornermullu attuumassuteqavinnngitsunik ingerlatsisoqassappat, suliat ininut suliaqarfiit aalajangersimasut pillugit malittarisassanut naapertuuttumik aaqqissukkanut inissinneqassapput. Aamma taamaassaaq ininut illuaqqani, qulisalialini assigisaanniluunniit aaqqissuussanut tunngatillugu, tamatumanili qilaamut portussuseq 2,10 meterinit minnerussanani.

§ 13. Illuaqqat, qulisaliat assigisaallu, tamatamani aamma illuaqqat assakaasullit assigisaallu atortorissarusersukkat, inissimatitaassapput sapinngisamik atorutunik, pujoralammik allatulluunniit silaannarmik mingutsitsisinnaasunik nakkaaffigisassaajunnaarlugit, nipiliornermit, sajuppilunnernit tipimit il. il. pallitassaajunnaarlugit.

Imm. 2. Illuaqqat il. il. inissimatitaassapput ullup qaamarnganit naammattumik qaammarsarneqarsinnaanngorlugit aammalu illuaqqanit ataasiakkaaniit nunaannakkut minnerpaamik nunaannarmut sanaartorfinngitsumut sammivitsigut marluusutigut qimaariarfissalimmi. Illuaqqaniit qimaariarfissat minnerpaamik 2 meterinik silissuseqartitaallunilu akornuteqanngitsumik aqutigneqarsinnaatitaassapput.

Imm. 3. Illuaqqat il. il. inissitaasassapput aalajaatsumik narluusuunik nateqartussanngorlugit. Matuniit nunaannarmut isumannaatsunik majuartarfiligaassapput, matullu tamarmik silammut ammarsinnaasuassapput.

§ 14. Teknikikkut atortulersuutit ikkussukkat atortulersuuteqarfillu inissaminniitaassapput sapinngisamillu sulinerni ajoquserfissaajunnaarlugit ikkussugaassallutik aammalu ajornartinnagu susassaqqanngitsunit atorneqarsinnaajunnaarlugit.

Imm. 2. Atortussat, tamatumani aamma igitassat, inissitaasassapput, qaleriisaagaallutik immaqalu qajannaagaallutik, taamaalilluni isumannaatsuunissamut peqqinnissamullu aarlerinartorsiortitseqqunagut. Atortussiat atortullu, sakkortuunik toqunartortallit, toqunartut, neriuisinnaasut, qaartuujasut, ikuallajalluinnartut ikuallajasullu, taama ittunut inissiivissaqqissumi parnaarsinnaasumilu inissisimatitaassapput.

§ 15. Suliaqarfusumik aaqqissuussinermi sulisuusut innarluutillit pisariaqarneratut pingaartinneqartassapput.

Kapitali 4

Nakkaasinnaasutigut sisoorsinnaasutigullu aarlerinartut

§ 16. Nunaannarmi manissuunngitsutut aarlerinaatilinni, assagaliani, putuni assigisaannilu isumannaatsumik assiaqutersuisoqartassaaq, ulissuisoqarluni imaluunniit ungaluusanik assiaqutersuisoqarluni. Assaaviusut ungalullugit allatulluunniit naleqquttunik isumannaallisarneqartassapput, inunnit imaluunniit atortunit nakkarfigineqarsinnaajunnaarlugit.

§ 17. Nunami suliat, ilanngullugit illup toqqaviliorfissaanik assaanerit, ruujorit, kabelit il. il., ingerlanneqartassapput naleqquttumik sivingaarnilerlugit imaluunniit kuitsivilerlugit allatulluunniit naleqquttunik sisoornaveersussanngorlugit aalangeequserlugit.

Imm. 2. Iliuusissat nunap qanoqittuussusia tunngavigalugu aalajangerneqartassapput, s.ass. qangaanerusoq assagaasimagunnartut seqummalasunik immikkat silallu pissusaata sunniisinnaanerii sianigalugit. Tamatuma saniatigut aamma assaaviusup qanittuanut oqimaatsunik ilioraasoqarnaveersaartassaaq imaluunniit suliaqarfusumi iliuutsini sajutsitsisinnaasut pinaveersaarniarneqartassallutik.

Imm. 3. Pisariaqassappat suliasat aallarnerneqalersinnagit nunap naqqata qanoqittuussusia misissorneqartassaaq aammalu tamaanit aqquersuutaajunnartut siusinnerusukku tamaani suliaasarsimasut pillugit paasissutissarsiortoqartassaaq.

§ 18. Assakkat, puilasuliat, sulluliat allallu nunap iluani suliaqarfiit. ilanngullugit naqqit ataataattoqisaannartut, suliaqarfiullutilluunniit angalaarfusut, uukkaattoornaveerlugit atortussanullu sisoorfusussaajunnaarlugit aamma imermut isaaffissaajunnaarlugit, sioqqanut teqqarfissaajunnaarlugit il. il. isumannaallisarneqartassapput.

Imm. 2. Sulianik ingerlatsisilluni qimaariapallaffissat pisariaqarneratut isumannaarsorneqartassapput, aamma majuarfissat aterfissalluunniit naleqquttumik amerlassuseqarlutillu inissitaasassapput.

Imm. 3. Assaaviusut sinaat naleqquttumik atitussusilimmik atortussanik ilioraaviginaveersaarneqassapput biilinillu aqqusaarnaveersaarneqassallutik. Atitussuseq pineqartoq minnerpaamik 1 meteriutinneqartassaaq.

§ 19. Illuliani, aaqqissuussani il. il. naterni, qilaani, iikkani, init quleriit avissaarutaanni assigisaannilu ammanerit, nakkarfiusinnaasut ungaluusalersugaasassapput, ulissugaassallutik allatulluunniit naleqquttunik isumannaallisaasersugaassallutik

Imm. 2. Alliaqtersuutini suliaqarnerni, tamatumani aamma qaliat qaavinik qallersuinerni pisariaqarneratut qajannaallisagaanngitsuni, nakkariataarnissamut naleqquttunik isumannaallisaasersuisoqartassaaq.

§ 20. Angallatit qaavi suliffiusut, puttasuliat suliffiusut, ikaajusaliat, isaariaqarfiit assigisaallu najummatserfissanik ungaluusalersugaassapput allatulluunniit sumi tamarmi 2 meterinit portussusilimmiit nakkarfiusinnaasuni assersuilluartoqartassaaq, tak. § 22, imm. 2.

Imm. 2. Taamaassanngilarli ungaluusaliat imaluunniit assersuutit sulianik ingerlatsinermut akornutaassatillugit, imaluunniit sivikitsumik sulianut atatillugu soorlu ungaluusanik assiaquttanillu ikkussuineq piiaarnerlu assersorniarneqartuniit ulorianarnerussatillugu. Taamaassappat isumannaallisaaniarnerit allat naleqquttut atorniarneqassapput, tak. § 23.

§ 21. Qaliat qaavini, anglaarfiusussani imaluunniit suliffiusussani, qaliap qanoq sivingatiginera malillugu isumannaallisaatissat makku atorneqartassapput:

1) Qaliaq 15o-nik sivinganilik: Qaliap sinaakkutaa toqqavimmiit 3,5 meterinik qutsitsigitillugu sinaakkut atuarlugu ungaluusanik allanilluunniit taamatulli isumannaatsigisunik ikkussuisoqartassaaq, tak. § 23.

Qaliap qaavani sulineq quaattoornaveersaateqarluni ingerlanneqassappat aammalu anoreqaranilu silagissillugu suliat ingerlanneqarpata qutsissuseq 5 meteriusinnaavoq. Suliat ingerlanneqarsinnaassappata qaliap sinaakkutaanut 2 meterit inorlugit qutsissusilimmi ungaluusanik ikkussuinissamut taarsiullugu erseqqissumik qajannaatsumillu suliaqarfiunera nalunaqqutserneqarsinnaavoq.

2) Qaliaq 15o-nik sinnerlugilluunniit sivinganilik: Qaliap illumut toqqanera avatangiisigisaniit 2 meterit sinnerlugit qutsissuseqassappat, aammalu sulianik ingerlatsinermi 5 meterinik sinnerlugilluunniit qutsissusilimmi angalaartoqarluniluunniit sulisoqassappat, suliassat aallarnerneqalersinnagit, ikaajusanik tulleggavissanik, assiaquttanik, qassutaasanik assigisaannilluunniit ikkussuisoqassaaq, tak. § 23, inuit nakkariataarsinnaanerannut illersuutaasussanik. Qaliaq quasar-pat qutsissuseq suliffiusussaq apeqqutaatinnagu qaliap qaavatigut majuartarfilersuisoqassaaq, qisuaralersuineq taamatulli illersuutaatigisinnaassanngippat.

3) Qaliaq 34o-nik sinnerluguluunniit sivinganilik: Pkt. 2-misulli iliuseqartoqassaaq tamatumalu saniatigut assiaqutassanik, qassutaasanik assigisaannillu ikkussuisoqassaaq, taamaasilluni suliaqarfiusuniit assersuutaasunut il. il. amoorluinnaartumik akuttussuseq 5 meterinit atitunerunngisaannartunngorlugu. Tamatuma saniatigut qutsissuseq apeqqutaatinnagu qaliat qaavisigut majuarfissat tamatigut atorneqartassapput, qisuaralersuinissaq taakkunatulli illersuutaatigisinnaassanngippat.

4) Qaliaq 60o-it sinnerlugit sivinganilik: Pkt. 3-mi taagorneqartut iliuseqartoqassaaq, imaalilluguli suliaqarfiusuniit ammorluinnaartumik assiaqtersuutitut il. il. akuttussuseq 2 meterinit atitunerunngisaannartunngorlugu.

Imm. 2. Illersuutissatut ungaluusaliat, assiaqtersuutit, qassutaasat assigisaallu pinngitsoorneqarsinnaapput, suliat sivikitsuinnarmik aammalu allunaamik qitermut qilikkamik

nakkarnaveeqquserluni ingerlanneqassappata.

Imm. 3. Qummut ammallu atortussanik il. il. ingerlaartitsiveqarfiit aamma igitassanut nakkaatitsiveqarfittut sullullit eqqaat ungaluusanik, assiaquttanik, qassutaasanik assigisaannilluunniit pilersugaassapput, qaliap sinaakkutaaniit avatangiisit toqqavigisamut ammorluinnaartumik 2 meterit sinnersimassappatigik.

Imm. 4. Qaliami iluliumanerit imm. 3-mi taaneqartutut isumannaallisaavigneqartassapput, iluliumaneq taama ittoq nalunaaqqutserluarneqarsimassanngippat, tak. imm. 2-mi pkt. 1.

Imm. 5. Aamma imm. 1, 2, 3 kiisalu 4 malillugit isumannaallisaasersuisoqartassaaq aalajangersakkani taaneqartuni taagorneqartuniit qutsissutit annikinnerutillugit, suliat suussusii, silap pissusia, qaliap qaavata pissusia pissutsilluunniit allat nakkarnissamut aarlerinartoqartitsissappata, imaluunniit avatangiisigisatut toqqavigisamut nakkarnissaq immikkut ulorianaateqassappat, tak. §§ 22 aamma 23.

§ 22. Aamma qutsissumi sulinermi angalaarnermilu nakkarsinnaaneq aarlerinaateqartillugu, nakkarfissaq 2 meterit sinnerlugit portussuseqarpat, isumannaallisaasersuisoqartassaaq § 20 malillugu.

Imm. 2. Aamma nakkarfusinnaasoq pukkinerutillugu isumannaallisaasersuisoqartassaaq suliat suussusiat tunngavigalugu nakkaattoorsinnaaneq immikkut aarlerinaateqassappat imaluunniit avatangiisigisami nakkarfusussaq immikkut ulorianaateqassappat.

Imm. 3. Isumannaallisaasersuinerilli pinngitsoorneqarsinnaapput sivikitsuinnarmik suliasat suliarineqassatillugit, isumannaallisaasersuinermi, tamakkuninnga atuinermi piiaanissamilu navianaatit annertunerussatillugit.

§ 23. Inummik nakkartoqarsinnaaneranut sumannaallisaasersuutit s.ass. tassaasinnaasut ikaajusaliat, ungalut, assiaqutsersuutit, qulisaliat, qaliap qaavini majuartarfeeqqat, inunnik kivittaatit angallattakkat sulitilluni tummarfissallit, qassutaasat nakkarnaveeqqutit imaluunniit allunaat qitermut qilertakkt, qinerniarneqartassapput taamaasilluni ikkussornerini piiarnerinilu ulorianaatip illersorniarneqartumiit annikinnerusinnaanera tunngavigalugu.

Imm. 2. Taamaattorli allunaaq qitermut qilerneqarsinnaasoq aatsaat toqqarneqartarsinnaavoq suliasanut, isumannaallisaatit allat naleqquttumik atorneqarsinnaatinnagit.

§ 24. Ungalut nakkarsinnaanermut illersuutaasussat, minnerpaamik tassaassapput liste tiggummivissaq, liste seeqqut nalaanniittussaq listelu isikkat nalaanniittussaq. Pisariaqarneratut qajannaatsuullutillu isumannaatsumik suliaassapput.

Imm. 2. Quliasat naammattumik ningussuseqassapput illikartoornaveersaagaassallutillu.

§ 25. Suulluunniit imaluunniit atortussat nakkaasinnaatillugit avatangiisigisanut naleqquttunik illersuutissiortoqartassaaq, s.ass. assiaqutsersuinikkut imaluunniit qulisaliornikkut. Atortut il. il. qaliap qaavanut assigisaannullu inissitsiterneqartussat sisoorinnaajunnaarlugit imaluunniit anorimit tingitaasussaajunnaarlugit inissinneqartassapput.

Kapitali 5

Aarlerinaateqarsinnaasut allat

§ 26. Aamma sumiluunniit inunnik ajoqusiinnaasoqartillugu naleqquttunik isumannaalisaasoqartassaaq, s.ass. piffimmik pineqartumik assersuinerit, nakkaattoorsinnaasut eqqaat qerattaqqusersornerisigut, sunilluunniit, saviminernik qerattaqqusersuutissanik il. il. anillangasunik assersuinikkut imaluunniit pertiterinikkut.

§ 27. Aqqusinerni allaniluunniit biilinit aportiffusinnaasuni suliaqarnerni sulisuusut isumannaallisaasorsorluarneqartassapput, s.ass. naleqquttunik assiaqtersuinikkut nalunaaqtersuinikkulluunniit.

§ 28. Sumiiffiit sulianik immikkut ulorianaatilinnik, s. ass. isaterinerit illunillu allanilluunniit sanaanik qaartiterinerit imaluunniit qaarsortanik qaartiterinerit, ingerlataqarfusussat aqqissuunneqartassapput taamaasilluni sulineq sapinngisamik ulorianartuerussinnaanngorlugu aamma isumannaallisaatinik pisariaqarneratut atuinikkut.

Imm. 2. Sulineq pujoralatserissappat allatulluunniit silaannarmik mingutsitsiviusinnaassappat, qinngornernik siaruarterisinnaappat, nillerpallaarluniluunniit kiappallaassappat, nipiliorpallaassappat, tipittuussappat il. il. tamakku tamarmik pilerfigisaanni sapinngisamik annikillilerniarneqassapput nungutinniarneqassallutilluunniit.

Imm. 3. Silaannarissarfeqarfiit aqqissuussaallutillu inissitaassapput, taamaasilluni nipiliorneq nutsoruuttumillu suerneq peqqinnissamut ajoqusiinnaasut pinngitsoorsinnaaqqullugit, aamma aserfallatsaaliinissaq isumannaatsumik pisinnaaqqullugu. Silaannarissarfeqarfiit misissortarnissaannut atortuligaassapput iluaqutaanissaasa naammannginneranut ersersitsisinnaasumik.

§ 29. Silaannaq atortussianik atortunilluunniit peqqiillortitsilersinnaasunik imaluunniit ikuallaasunik akoqartillugu nakkutigineqarluni misissorneqartassaaq, aamma sulisorisanut illersuiniutissanik ajunaartoqarsinnaaneranullu pitsaaliutissanik sunniutilimmik iliuuseqartoqartassaaq.

Imm. 2. Aamma taamaassaaq, sumiiffinni silaannaruttoorfusinnaasuni sulisoqassappat. Nakkutilliinikkut misissuisarneq ingerlattuarneqartassaaq. Tamatuma saniatigut silataaniit alaatsinaariffusinnaasunik pilersitsisoqassaaq iliuusissiortoqassaarlu taamaasilluni pineqartoq sukkasuumik annisipallanneqarsinnaanngorlugu ikiorluarneqarsinnaanngorlugulu.

§ 30. §§ 24-mi aamma 25-mi taaneqartutut pisoqartillugu allat sulissanngillat imaluunniit piffimmut qanippallaamiissanatik peqqissutsikkut ajoqusiinnaasunik sunnertiffigisinnaasaminni.

§ 31. Sulinermit atortussanik tunillannartortalinnik, imaluunniit atortussianik atortunilluunniit isumannaatsuunissamut peqqinnissamulluunniit ulorianartulinnik piaarnerpaamillu ammimiit piiartariaqartunik imaluunniit siaruaannaaveersaartariaqartunik mingutsitsisoqartillugu tamatumunnga naleqquttunik naammattunillu ikiutissaqartassaaq, s. ass. isinut errortuutininik, qorlortitsisarfiit ajornartoornerni atortakkat, asaffiit, pisariaqarpallu imeq kissartoq saligutissallu immikkut ittut.

§ 32. Pisariaqartitsineq naapertorlugu qajannaatsunik allagartalersuisoqassaaq sumiiffinni naleqquttunik inissitanik tamatumani nalunaarlugu sanaartorfissami immikkut ittunik ulorianartoqartoq imaluunniit pissutsit allat isumannaatsuunissamut peqqinnissamulluunniit pingaarutillit pillugit.

Imm. 2. Sulisorisat suliaqarfiusumi oqarasuaammik atuisinnaatitaassapput.

§ 33. Suliap suussusaata pissutsillumi tamanna pisariaqartippassuk suliaqarfusoq naleqquttunik qatserutissalersugaassaaq annanniutitigullu atortulersugaalluni aamma ajunaartoqartillugu ikiueqqaarnissamut pisariaqarneratut atortulersugaassalluni. Isumannaatsumik ikiueqqaarsinnaanissamut pisariaqartinneqassappat immikkut ittunik ineqassaaq tamatumunnga atortulersugaasunik. Atortut il. il. taaneqartut naammattumik amerlassuseqassapput sumiiffinnullu naleqquttunut inissitaassallutik.

§ 34. Immikkut ulorianaatilinnik pisoqarsinnaatillugu suliaqarfusoq kalerrisaarusersugaassaaq, ulorianartoqalerneranik naleqquttumik kalerrisaarisartussamik.

Imm. 2. Qatserutit kalerrisaaruteqarfillu akuttunngitsunik misissorneqartarlutillu aserfallatsaalineqartassapput.

Kapitali 6

Sanaartorfissamut aqqusernit iserfissat assartuivissallu

§ 35. Sanaartorfiusussaq aqqqissuussaassaaq naammattunik amerlassusilinnik iseriartorfissanik aqqusineqarlunilu assartuivissanik aqusineqassaaq biilinnik pisuinnarmillu angallattunut isumannaatsuunissakkut peqqinnissakkullu ulorianaateqanngitsumik annertussuseqarlutillu suliaasunik. Nunamernit isaariaqarfiit, assartuiveqarfiit angallaffiusullu pisariaqarneratut aqqqissuussaassapput taamaalilluni teknikikkut ikiutissat atorneqarsinnaanngorlugit.

Imm. 2. Matunik, isaarissanik, ammartartunik, il. il. inissiineq, amerlassusaat angissusaallu suliap suussusaat pissutsillumi allat eqqarsaatigalugit isumannaatsuussapput. Matut il. il. atortussanik naleqquttunik suliaassapput ilusiligaallutillu aqqqissugaassallutik taamaasilluni ajornanngitsumik ammarneqarsinnaanngorlugit, matuneqarsinnaanngorlugit ulorianaateqanngitsumillu aqqusaarneqarsinnaanngorlugit.

§ 36. Aqqusernit aamma atortunut motorilinnut angallaffiusussat naleqquttunik illersuutissanik ungaluusalersugaassapput, nunaminermiit ornaminniit 3 meterit sinnerlugit sivingasukkut qutsinnerusumiissagunik imaluunniit nakkarissamiit 1 meterit sinnerlugit portussusilimmiit qutsinnerusumiissagunik. Aamma taamaassaaq qutsissutsini annikinnerusuni, nakkaaffusinnaasut immikkut ulorianaateqassappata.

Imm. 2. Aqqusernit nunaminertallu angallaffiusussat nalimasuutinniarneqassapput aammalu atortussanut allanulluunniit angallattunut ulorianartorsiortitsisinnaasunut ilioraaviussanatik. Sullullit eqqaaviit, putut assigisaallu qulisaassapput imaluunniit assiaqutsersugaassallutik.

§ 37. Qutsinnerusumiit allamut inunnik akuttunngitsunik angalaartoqartassatillugu naleqquttunik aqqutissiortoqartassaaq, s. ass. majuartarfinnik, elevatorinik imaluunniit rampenik.

Imm. 2. Majuartarfiit atortuagassat sapinngisamik siuningaaniit ikkussorniarneqartassapput.

Elevatorilersuisoqassaaq nunap qaavaniit 25 meterinik qutsissusilimmi qaammatit marluk sinnerlugit sulisoqassatillugu, tamanna teknikikkut nalinginnaasumillu ajornassanngippat.

Imm. 3. Majuartarfiit angallanneqarsinnaasut aalangiigaassapput naleqquttumillu uinganilerlugit ivertitaassapput aammalu qutsissutsimi qullerpaami 1 meterit miss. qutsissusilimmi tiggummivissaqartitsisoqartassaaq.

§ 38. Suliat suussusaat pissutsillumi allat aalajangiisuutillugit naammattunik qimaariarfissaqartassaaq ulorianartorsiulernerni kikkut tamarmik suliaqarfiusumiit isumannaatsumut pisinnaanngorlugit suliaallutillu inissitaasunik. Elvatori qimaanermi aqqutissatut akuersaarneqarsinnaanngilaq.

Imm. 2. Qimaariarfissat piffimmut isumannaatsumut akornuteqanngitsumik tikinneqarsinnaasumut sammisitaassapput.

Imm. 3. Isumannaatsumik sumiissusersinnaanissaq angallannissarlu pillugit pisariaqartitsineq naapertorlugu aqqusernit angallaffiusussat nunaminertallu aamma qimaanermi aqqutissat erseqqissumik sammivii, aniffissat nakkariarnerillu ilisimariinngisat nalunaarsorlugit nalunaarsorluagaassapput.

§ 39. Aqqusernit iseriartorfissat assartuivissallu atortunik nakkartoqariataarsinnaatillugu assiaqutsigaallutilluunniit qulisaasassapput.

Kapitali 7

Qaammaqqutit

§ 40. Suliaqarfiusuni naleqquttunik qaammaqquteqassaaq, suliat suussusaannut naleqqussakkanik, taamaasilluni suliat ataasiakkaat isumannaatsumik, aamma ajornartinnagu sulinermi timip qanoq atornissaanut naleqquttumik, ingerlanneqarsinnaanngorlugit.

Imm. 2. Qaammaqqutit taartoortitsisinnaanatililu allanngorartunik qinngorneqassanngillat imaluunniit kiagupilutsitsisinnaasumik kissassuseqassanatik.

§ 41. Aqqusernit suliaqarfiusumut isaariaqarfiit, assartuiveqarfiit nunaminertallu angallaffiusut qaammarsagaassapput taamaalilluni angallanneq isumannaatsooqqullugu. Qaammaqqutit sakkortussusissaat minnerpaamik 25 lux-iussaaq.

Imm. 2. Init, qaammaqqusigaanngitsut aammalu pangallaffiusinnaasut allatulluunniit ulorianartorsiorfiusinnaasut assiaqutsigaassapput.

§ 42. Sumiissusersinissamut pisariaqarneratut init, suliaqarfiit, aqqusernit isaariaqarfiit qimaariarfissallu ajornartoornermi namminneq ikittartunik pilersugaassapput. Tamanna ajornassappat imaluunniit naleqqutinngippat, sulisut angallattakkanik qaammartartoqartitaassapput, pujoralammut kalluuffissanullu illersuusersukkanik.

Kapitali 8

Torsaarnissaq saligaatsuutitsinissarlu

§ 43. Sanaartorfissaq torsuutinneqarlunilu saligaatsuutinneqassaaq, taamaasilluni atugarisat isumannaatsuunissakkut peqqinnissakkullu sukkulluunniit isumannartuerullugit. Pingaartumik maluginiarneqartassapput

- 1) aqqusernit, nunaminertat angallaffiusut, teknikikkut atortulersuutit ikkussukkat isumannaallisaatillu ajoquteqannginnissaat,
- 2) atortut, sakkut ledningit il. il. sulinermut angallannermullu ulorianartumik maangaannaq ilineqannginnissaat,
- 3) aqqusernit, nunaminertat angallaffiusut suliaqarfiusullu atortukunut assigisaannullu ilioraaviginnginnissaat, aamma aputeqartillugu issitsillugulu salinneqarlutillu siorarterneqartarnissaat, aamma
- 4) igitassat assigisaasalu sumiiffinnut naleqquttunut inissinneqartarnissaat isumannaatsumillu iginneqartarnissaat. Imm. 2. Eqqiaaneq ingerlanneqartassaaq ajoqusiisinnaasunik mingutsitsisoqartussaajunnaarlugu.

Kapitali 9

Atugarissaarusersuutit

§ 44. Sulisitsisup isumagissavaa sulisuusup sulinermini

- 1) parnaarsinnaasumut perusuersariartorsinnaanissaa.
 - 2) Ineeqqamik neriffissaqarnissaa qanittuani imermik imeruersaatissalimmik.
 - 3) Nillertumik kissartumillu kuuginnartumik asaffissaqarnissaa.
 - 4) Ineeqqamik kiassakkamik s. ass. atisanut masattunut taarsiiffissaqarniaa.
 - 5) Siniffissaqarnissaa, suliaqarfiusumi sinittarnissaaq akuerisaalluni suliat ingerlanneqassappata.
- Imm. 2. Arnat naartusut anaanallu milutsitsisut naleqquttunik atugassaqtitaallutik innarfigisinnaasaannik qasuersaarfissaqtitaassapput.
- Imm. 3. Sulisorisat sulinerminni atortussanik tunillannartortaqaarsinnaasunik mingutsitaariataarsinnaasut imaluunniit atortussianik atortunillu attuuannissimasut, isumannaallisaaneq peqqin-nissarlunniit pissutigalugit ammimiit piiassallugit pingaarutilimmik, atortulersuutitik sunnerneqarnissamut imaluunniit siaruaanissamut pitsaaliuutitik atuisinnaassapput. Inini taaneqartutut ittutut suliaqarfiusuni, nerisoqaraniluunniit imertoqassanngilaq.

§ 45. Init pisariaqartitsineq naapertorlugu kiassagaassapput, taamaalilluni atornerqarnerini minnerpaamik 18o C-mik kiassuseqassallutik. Imm. 2. Init torersuutitaassapput eqqiluitsuullutik isumannaatsumillu aserfallattaalisallutik. Init susassaqanngitsunut atugassiissutaassanngillat.

Kapitali 10

Immikkut akuersisarneq naammagittaalliorsinnaanerlu

§ 46. Sullivinnut Nakkutilliisoqarfimmi pisortap, immikkut ittunik pissutissaqartillugu, akuerisarsinnaavaa nalunaarummi matumani aalajangersakkanik saneqqutsinissaaq tamanna naammaginarlunilu isumannaalluinnartutut isumaqarfiginartillugu.

§ 47. Nalunaarut manna malillugu aalajangiinerit Kalaallit Nunaanni sullivinni avatangiisit pillugit inatsimmi § 64 malillugu naammagittaalliuutaasinnaapput.

Kapitali 11

Pinerluttulerinermik inatsisitigut pineqaatissiissutissat

§ 48. Kalaallit Nunaanni pinerluttulerinermik inatsit malillugu pineqaatissiissutissat eqqartuussutaasinnaapput

1) §§ 5-45-mik unioqqutitsisunut,

2) nalunaarut naapertorlugu peqqussutaasunik imaluunniit inerteqqutaasunik malinninngitsunut,

3) nalunaarut malillugu immikkut akuerineqarnermi atugassarititanik sumiginnaasunut.

Imm. 2. Pineqaatissiissutissat sakkortussusilerniarneranni sakkortusaatitut naatsorsuunneqassaaq

1) unioqqutitsinerup piaaraluneernikkut imaluunniit mianersuaalliorujussuarnikkut pisimanera,

2) unioqqutitsinikkut inuunermik peqqissutsimilluunniit ajoqusiisoqarsimanera tamatumunngaluunniit aarlerinartorsiortitsisoqarsimanera,

3) pissutsit taama ittut taakkunungaluunniit assingusut pillugit Kalaallit Nunaanni sullivinni avatangiisit pillugit inatsimmi § 60, imm. 1 imaluunniit 2 malillugu peqqussuteqartoqareersimanera, imaluunniit

4) unioqqutitsinikkut pineqartup immiut allanulluunniit aningaasatigut iluanaarutississimanera.

Imm. 3. §§ 5-45-mik unioqqutitsinermut sulisitsisoq akisussaatitaassaaq, unioqqutitsineq pineqartumut piaaraluneernertut imaluunniit mianersuaalliornermut tutsinneqarsinnaangikkaluarpalluunniit.

Akisussaatitsinissamut patsissaassaaq unioqqutitsinerup inummot imaluunniit inunnut arlalinnut sullivimmut attuumassutilinnut imaluunniit sullivimmut taamatut itillugu tutsinneqarsinnaa-nissaa.

Aalajangersagaq manna malillugu akiliisitsinissani atortuunneqassanngilaq Kalaallit Nunaanni

pinerluttulerinermik inatsimmi § 91, imm. 4. Akiliisitsissutissat annertussusilerneranni imm. 2, nr. 2-4, taamatulli atortuutinneqassapput.

Imm. 4. Unioqqutitsinerit, ingerlatsivinnit aktie- imaluunniit anpartsselskabinit, andelsselskabinit

assigisaannilluunniit unioqqutitsinerusut pillugit selskabi taamaattutut akiliisussanngortitaasinnaavoq.

Unioqqutitsineq Namminersornerullutik Oqartussanit, kommunimit imaluunniit kommuninit

peqatigiissunit Kalaallit Nunaanni kommunalbestyrelsit nunaqarfinnilu aqutsisut il. il. pillugit Inatsisartut inatsisaanni § 64-imi pineqartunit unioqqutitsineruppat Namminersornerullutik Oqartus-sat, kommuni kommunilluunniit peqatigiit taamaattutut akiliisussanngortitaasinnaapput.

Kapitali 12

Atortuulersitsineq

§ 49. Nalunaarut atuutilissaaq ulloq 1. januar 2006.

Sullivinnik Nakkutilliisoqarfik, ulloq 15. december 2005

LIS GAMBORG

/Charlotte Skjoldager

Ilanngussaq

1 – Suliat immikkut ulorianaatillit allattorsimaffiat

- 1) Suliat, suliat suleriaatsilluunniit ator neqartut suussusii pissutigalugit, imaluunniit suliaqarfusumi imaluunniit illuliani avatangiisit pissutaallutik, matoorussaariataarnissamut, kivinissamut imaluunniit nakkarnissamut immikkut ulorianaatillit.
- 2) Suliat, sulisuusunut akoorutissanik atuiffusut imaluunniit atortussianik atortunilluunniit uumassusilinneersunik sunniiviginnissinnaasut, sulisuusunut isumannaatsuunissakkut peqqinnissakkullu immikkut aarlerinartorsiortitsisumik, imaluunniit peqqissutsikkut misissuisarneq pillugu inatsisitigut piunasaqaatitallit.
- 3) Suliat, sulisuusunut qinngornernik ulorianartunik sunniiviginnissinnaasut, aamma piffinnik nakkutigisanik alaatsinaatanillu sumiiffissinissamik pisariaqalersitsisut.
- 4) Suliat sarfap sakkortuup aqquataasa qanittuiniittut.
- 5) Suliat ipilluni ajunaarfusinnaasut.
- 6) Puilasuliani sullorsuarnilu aamma nunap iluani sulinerit.
- 7) Immap iluani sulinerit imaanut aqqartartut atortuinik atuiffusussat.
- 8) Ineeqqani silaannaap naqitsinilinni sulinerit.
- 9) Suliat qaartartunik atuiffusussat.
- 10) Sanaassat immikkoortortaanik inerlugit sulianik oqimaatsunik ikkussuineq isaterinerlu.

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut